

廣德州志卷二十六

職官志

武職

武職

晉桓彝之討蘇峻也自廣德進屯涇劉宋王曇生之亂廣德令王蘊發兵據險廣德之有兵舊矣楊吳設鎮遏使宋升縣爲軍則以文臣而兼領戎務也其時掇甲冑者當有專員而其人無考元明雖見于史亦甚寥寥惟

國朝營寨官制炳載通志今據以登列而加詳焉蓋兵可

廣德州志

卷二十六

武職

百年不用不可一日而不備也

宋

宋史兵志參通志武備志宋兵制有三一曰禁軍天

子之衛兵皇祐五年江淮荆湖置教閱忠節州一營大

州五百人小州三百人建炎元年詔諸州選所部兵送

闕下補闕後多增募各營於本州每指揮以五百人爲

率其指揮之在江淮間者建隆以來之制有忠節軍太

平興國二年選諸州廂軍之強壯者立淳化四年又選

川峽威掉克寧兵立爲川忠節舊指揮二十四後增教

閱忠節總爲六十忠節軍江淮共十五處廣德居其一

熙寧以後之制有忠節軍并川忠節教閱忠節總六十
江淮共二十處廣德居其一 其一曰廂兵爲諸州之
鎮兵一軍之額有分隸數州者或一州之管兼屯數州
者皇祐中募流民爲兵分置徐州淮揚等軍征役同禁
軍熙寧中併省諸軍名額淮南曰寧淮江南曰效勇元
豐中詔諸路教閱廂軍於下禁軍內增入指揮名額排
連並同禁軍其將校則有馬步軍都指揮使副都指揮
使都虞候在江淮間者建隆以來之制有揀中騎射江
南路凡四處廣德居其一有水軍江南路凡六處廣德

廣德州志

卷二十六

武職

二

居其一有效勇江寧廣德各一熙寧以後之制江南路
騎軍之額揀中騎射一步軍之額自效勇而下並改號
曰效勇凡五十三指揮一萬六千六百五十人有水軍
江南路凡五處廣德居其一有揀中騎射江南路凡五
處廣德居其一有效勇江寧廣德各一 其一曰鄉兵
團結訓練以爲在所防守惟江南西路有槍仗手

〔案〕宋世本軍所有兵自皇祐以後禁軍則有忠節廂
兵則有揀中騎射水軍效勇俱統於指揮亦云備矣
雖其人無考而史文具在通志稍爲節錄今參用之

以備一代兵制焉

元 〔元史百官志〕諸路萬戶府上萬戶府管軍七千之上

達魯花赤一員萬戶一員 俱正三品虎符 副萬戶一員 從三品虎符

中萬戶府管軍五千之上下萬戶府管軍三千之上設

員同 達魯花赤萬戶中下府俱從三品虎符副萬戶中下府俱正四品金牌 其官皆世襲

有功則陞之每府設經歷一員 從七品 知事一員 從八品 提

控案牘一員

〔案〕舊志不載今據史傳錄達魯花赤合舊志凡三人

又案牘二人以存一代之制時廣德為下路亦當為

廣德州志

卷二十六

武職

三

下萬戶府云

廣德路

萬戶府達魯花赤

完澤帖木兒

也速解兒之第六子廣德路萬戶達魯花赤見〔元史〕也速解兒傳 〔案〕也速解兒卒

于大德三年則其子當于皇慶延祐間任也 〔又案〕李洞太平興龍寺碑元統年郡守嘉議秦良萬夫長完

者帖木兒請元照主院事此人疑即完澤帖木兒也

關住

至正十一年廣德翼萬戶死難見續宏簡錄詳宦績

元 達

至正十五年衆立為萬戶守路見萬曆志 〔案〕南畿志作衆立達達萬戶之子守其地

提控案牘

王仁

也任

萬曆志為廣德路案牘楊李志同案元修建廟學記殘碑列其名與沈天佑同時則延祐年

楊

綸萬曆志為案牘楊李志同

案王楊二員萬曆志混列本路宦籍中不知元惟散

府諸州有提控案牘路無有也閱元史始知為萬戶

府之官

明

廣興翼元帥

鄧愈

虹縣人明初以功進廣興翼元帥守廣德見明史詳宦績

廣德州志

卷二十六

武職

四

費子賢

明初廣興翼元帥見明史詳宦績

趙繼祖

鳳陽人見李志

邵榮

鳳陽人俱洪武初年守將見李志

案明史兵志太祖下集慶路為吳王罷諸翼統軍元

帥置十七衛太祖本紀至正二十四年三月庚午罷

諸翼元帥府置十七衛親軍指揮使司然則翼當改

衛矣而兵志無廣德衛亦無千百戶所舊志俱不載

惟李志列四人趙邵皆洪武初守將豈以地非要害

此後竟不設兵與然今營堡之設猶仍明制不得無

兵也兵志又言衛所之外宏治間郡縣有僉民壯法有司訓練遇變調發給以行糧稱爲機兵在巡檢者爲弓兵嘉靖間增民壯額郡縣大者千人小者五百謂之民兵專捕盜賊備禦地方是廣德不得無兵也惟詳考兵寇明世頗少烽警卽嘉靖倭患東南俱被蹂躪獨此晏然蓋以去海較遠舟楫不利之故然當時武備自不容廢方惜其無考適州南門外西南三里外有樵者於山麓掘得銅礮一形如瓶旁有四耳上鑿平倭將軍四字下鑿銅匠孫持四字重六十二斤

長一尺三寸七分口如碗徑四寸圍一尺二寸四分修頸肥腹腹下有孔耳各長一寸八分知爲前明禦倭之具將軍乃礮號也兵志載火器號將軍者自大至五又有奪門將軍大小二樣神機礮襄陽盞口碗口等礮凡數十種正德嘉靖間造最多初成祖征交趾得神機鎗礮法製用生熟赤銅相間亦有用鐵者大小不等大者發用車次及小者用架用椿用托大利于守小利于戰嘉靖間造佛郎機礮謂之大將軍以銅爲之長五六尺大者千斤小者百五十斤萬曆

間復得西洋紅夷巨礮天啟中錫以大將軍號據此
則是礮號爲將軍雖不及佛郎機紅夷之大而署曰
平倭其力當亦不小再考倭寇起嘉靖三十一年至
三十九年始平而徽寧兵備道設于嘉靖三十四年
轄安徽寧池太廣六屬治廣德今署址尙存詳公署
名蹟
通志敘明兵制以寧太廣兵備道入鄉兵正明史兵
志所稱民兵也又王畿序李充齋督撫經畧疏云嘉
靖三十四五六年倭夷縱橫淮甸之墟大賈巨室焚
劫殆盡三十八年大舉入寇東南震恐賴公掃蕩妖

廣德州志

卷二十六

武職

六

氛廓清江淮云云據此則是礮之爲嘉靖三十四年
兵備道所置無疑推至今乾隆五十七年已二百三
十餘年矣其耳蓋以度架每架當不止一城外山陬
乃屯兵之地皆可以是礮證之現貯都司軍裝庫

國朝 **通志武備志** 順治初廣德營設總兵官七年改遊擊舊額設遊擊一員守備一員千總一員把總二員馬戰兵四十名步戰兵九十二名守兵二百九十九名官坐馬十六匹戰馬四十四匹康熙二十一年至二十六年共裁馬步兵三十一名三十五年裁步戰兵十六名雍正三年撥步戰守兵五名入太湖營五年撥守兵四名入蘇州營七年添設外委千把總三員

廣德營

遊擊一員

駐劄廣德州城乾隆二十二年裁缺改設都司

中軍守備一員

駐防廣德

廣德州志

卷二十六

武職

七

州城乾隆三十八年裁缺以千總為城守

千總一員

駐防廣德州界牌汛乾隆三十八年移駐守備

衙署 把總二員

一駐防建平縣城一駐廣德州青洪山嶺汛

外委千總一員把

總二員

協同經制千把總防守

馬戰兵三十七名步戰兵六十四名守兵二百七十四

名官坐馬十六匹戰馬三十七匹歲需俸薪餉乾連閏

銀六千九百七十一兩九錢四分五釐零米一千四百

六十二石五斗

是營防守廣德州建平縣地方

廣德州汛地墩堡十一處建平縣汛地墩

堡七處以上並見通志

廣德州總兵

郭虎

陝西人順治二年以總兵鎮守廣德見李志

案李志云順治七年鎮將援勦廣東止畱遊擊一員

兵五百名守之分撥把總一員兵六十名駐守建平

又案順治六年所建崔州守成名祠碑有云本州設

兵之始民頗疑懼公謙以事鎮帥和以結諸將嚴以

泄士卒則知是州向未有總遊之官至此始建設也

遊擊

陳其仁

盛京人順治七年任見通志下同

廣德州志

卷二十六

武職

八

卓天章

盛京奉天府人順治十年任

王懷忠

盛京奉天府人順治十二年任

池鳳鳴

盛京奉天府人順治十五年任

蔣桐

字嶧鳴盛京人順治十八年任

李成龍

字躍淵盛京人康熙元年任

袁陞高

四川人康熙十年任

張汝第

直隸保定府人康熙十八年任

張念祖

直隸順天府人康熙二十年任

朱鳳

河南人康熙二十二年任

胡國用 湖廣人 康熙二十八年任 由左都督世襲 任後陞桂林鎮副將 復姓王子孫居于州

李伏茂 陝西人 康熙三十七年任

孫天章 直隸順天府人 康熙三十九年任

郭鞏 直隸順天府人 康熙四十九年任

黃廷瑞 直隸順天府人 康熙五十四年任

張鳴鳳 貴州人 康熙五十五年任

晉賦 山西人 康熙五十九年任

劉天祐 盛京奉天府人 雍正四年任

周必達 湖廣武昌府人 武進士 雍正十二年任

廣德州志

卷二十六

武職

九

案通志所列至劉天祐止李志止此

李星垣 徐州府人 宮保敏達公衛子 武探花 侍衛 乾隆九年任 陞廣西左江鎮總兵

史維文 河南開封府人 行伍 乾隆十一年任

朱奇芳 甘肅寧夏府人 行伍 乾隆十四年任

盧振賢 廣西人行伍 乾隆十五年任 陞江寧城守協副將

崔俊 漢軍正白旗人 武進士 侍衛 乾隆十六年任

張吉枚 直隸順天府人 監生 捐衛千總 乾隆十八年任

劉連捷 直隸正定府人 武進士 乾隆十八年任 陞蘇州參將

案乾隆二十二年奉文裁遊擊改設都司

都司

糜大禮

貴州大定府人武進士乾隆二十二年任陞處州鎮左營遊擊

蔣廷佐

正黃旗人世襲騎都尉乾隆二十五年任

曹玉

貴州都勻府人行伍乾隆二十七年任

王李芬

浙江杭州府人行伍乾隆二十八年任

熙山

滿洲正白旗人咸安宮廩膳生員排於藍翎侍衛乾隆三十二年任陞松江左營遊擊

會攀桂

貴州都勻府人武舉乾隆四十年任陞松江中營參將

蕭夢鼎

湖北荊州府人武進士乾隆四十六年任

田世桂

字慎齋號碧峯湖北武昌府人祖父邦畿原係供忠崗宣撫土司防禦苗疆雍正十二年

廣德州志

卷二十六

武職

十

率領

一十五土司籲改土更設郡縣奉旨賞給世襲田產乾隆五十三年任

守備

柏天成 盛京奉天府人 順治五年任

劉九疇 直隸宣化府人 順治十一年任

彭陞 四川人 順治十四年任

趙輝 河南南陽府人 順治十七年任

徐城 京衛人 康熙九年任

柴梁棟 河南人 康熙二十年任

郝才 直隸順天府人 康熙二十四年任

李洽 山西人 康熙二十九年任

廣德州志

卷二十六

武職

十一

李芳埏 江南人 康熙三十三年任

史國柱 江南桃源人 康熙三十八年任 案國柱女嫁州人李帶仙其家傳稱國柱淮安桃源人李志

作史 柱誤

陳之年 直隸順天府人 康熙四十二年任

陳敦 直隸人 康熙四十九年任

王國彥 河南人 康熙五十一年任

管大成 陝西人 康熙五十八年任

周科貴 浙江人 雍正四年任

武大統 山西人 雍正五年任

李國勳 陝西人 雍正八年任

李連昇 湖北人 乾隆元年任

黃金 福建人 乾隆三年任

張美 山西平陽府人 乾隆四年任

案李志所列止此

徐汝錡 山東沂州府人 乾隆八年任

皇甫盛 湖北鄖陽府人 乾隆十九年任

孫捷 湖南人行伍 乾隆二十五年任

陳恭 四川保寧府人 武舉 乾隆二十六年任

廣德州志

卷二十六

武職

十三

俞先資 甘肅寧夏府人 武舉 乾隆二十八年任

戴廷棟 浙江杭州府人 行伍 乾隆三十三年任

案乾隆三十八年奉文裁缺守備移設南匯千總

為城守

千總

海繼忠 江寧府人 回籍武舉 乾隆三十年任 乾隆三十九年陞任去

王朝佐 江寧縣人 乾隆丙午武舉 五十八年九月任

右哨把總駐本州

趙佐清

江寧人庚寅恩科武舉乾隆四十九年任

左哨把總駐建平縣

哈廷標

江寧人辛卯科武舉乾隆五十一年任

案千把總舊志概不登載歷任姓名絕無冊籍可稽

廣德州志

卷二十六

武職

十三

恭惟

盛朝統一寰區養兵不用而

睿慮周詳所以整飭戎備者甚至於諸營弁既

恩給以廉俸

申命提鎮遇有弓馬習練者即為超拔凡在介冑之士靡

不踴躍效能豈職司統領而不思所以自奮乎又案

乾隆五十一年三通館進呈

皇朝通志職官畧一門所載文武官階文職自正一品至從九品共十八階武職自從一品至七品止十一階

上以多寡懸殊

特旨命大臣會議查中樞備考內外武職合計有十六階
因加正從九品以足十八階之數則武職當列千把
總明矣特從中樞備覽錄之

廣德州志

卷二十六

武職

古